



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 59. redovnoj sjednici održanoj 23. septembra 2015. godine, usvaja

ZAKON
O IZMJENAMA I DOPUNAMA ZAKONA O DRŽAVNOJ SLUŽBI U ORGANIMA JAVNE
UPRAVE BRČKO DISTRIKTA BOSNE I HERCEGOVINE

Član 1

U Zakonu o državnoj službi u organima javne uprave Brčko distrikta Bosne i Hercegovine (Službeni glasnik Brčko distrikta BiH, broj 9/14), iza člana 15 dodaje se novi član 15a koji glasi:

„Član 15a

(Poslovi koji se mogu obavljati van radnog vremena)

- (1) Izuzetno od člana 15 ovog zakona, matičar može van radnog vremena obavljati poslove zaključenja braka.
- (2) Za obavljanje poslova iz stava 1 ovog člana matičar ima pravo na naknadu čiji iznos utvrđuje gradonačelnik odlukom.“

Član 2

U članu 18 stavu 1, članu 20 stavu 1, članovima 21, 22, 27, članu 67 stavu 9 i članu 123a briše se riječ: „državni“ u odgovarajućim padežima.

Član 3

U članu 35 u stavu 2 ispred riječi: „interni oglas“ dodaju se riječi: „Javni konkurs i“, a stav 3 se briše.

Dosadašnji stav 4 postaje stav 3.

Član 4

U članu 47 u stavu 3 i u stavu 4 umjesto tačke stavlja se zarez i dodaje tekst: „osim uslova radnog iskustva“.

Član 5

Član 86 mijenja se i glasi:

„Član 86

(Naknada za rad u komisijama)

- (1) Za učešće u radu komisije u toku radnog vremena, članovi komisije nemaju pravo na novčanu naknadu.
- (2) Pravo na naknadu za učešće u radu komisije, uz saglasnost Vlade, po određenim kriterijima imaju članovi komisija koje rade van radnog vremena i to samo ukoliko se njihov rad ne može organizovati u toku radnog vremena.
- (3) Saglasnost za ostvarivanje prava na naknadu iz stava 2 ovog člana daje Vlada rukovodeći se sljedećim kriterijima:

- a) da su u odluci o imenovanju komisije jasno utvrđeni ciljevi koje ista treba ostvariti,
 - b) stepen stručne spremlje člana komisije,
 - c) stručne kvalifikacije potrebne u radu komisije,
 - d) radno iskustvo relevantno za rad komisije,
 - e) vrijeme provedeno u radu komisije van radnog vremena.
- (4) Disciplinski tužilac i zamjenik disciplinskog tužioca imaju pravno na naknadu za učešće u radu komisije, bez pribavljanja saglasnosti Vlade, ukoliko se njihov rad odvija van radnog vremena.
- (5) Naknada iz stava 2 ovog člana može se utvrditi kao pravo na slobodne dane srazmjerno vremenu provedenom u radu komisije uvećanom za 25% ili mjesečna naknada u maksimalnom iznosu 10% od prosječne bruto plate zaposlenih u organima javne uprave Distrikta.
- (6) Bliže odredbe o postupku ostvarivanja prava na naknadu za učešće u radu komisija van radnog vremena i visini naknade utvrđuje Vlada pravilnikom.“

Član 6

U članu 141 dodaje se novi stav 7 i glasi:

„(7) Naknada iz člana 15a ovog zakona isplaćuje se od 1. aprila 2014. godine.“

Iza člana 141 dodaje se novi član 141a koji glasi:

„Član 141a (Dodatne prelazne odredbe)

- (1) Službenici, odnosno namještenici koji nakon usvajanju novog organizacionog plana, usklađenog sa Odlukom o kategorizaciji radnih mjesta u organima javne uprave Brčko distrikta BiH (Službeni glasnik Brčko distrikta BiH broj: 10/15), ne budu ispunjavali uslove radnog mjesta u pogledu kvalifikacije za radno mjesto, imaju pravo i dalje obavljati poslove tog radnog mjesta uz obavezu sticanja odgovarajuće kvalifikacije potrebne za to radno mjesto, u periodu ne dužem od tri godine od dana stupanja na snagu ovog zakona.
- (2) Službeniku, odnosno namješteniku koji ne stekne potrebnu kvalifikaciju u roku iz stava 1 ovog člana prestaje radni odnos.
- (3) Odredbe stava 1 ne odnose se na službenike, odnosno namještenike koji najkasnije u periodu od pet godina od dana stupanja na snagu ovog zakona stiču uslove za prestanak radnog odnosa.“

Član 7

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02 -500/15
Brčko, 23. 9. 2015. godine

PREDSJEDNIK
SKUPŠTINE BRČKO DISTRIKTA BiH

Đorđa Kojić